



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

Broj: 01-5-12-4-430/25

Datum: 24.04.2025.

PREDMET: Poziv za dostavljanje ponude za uslugu dizajniranja, izgradnje, opremanja, transporta, montaže i demontaže kolektivnog štanda za bh. izlagače na sajmu prehrambene industrije, ANUGA FINE FOOD 04.-08.10.2025. u Kelnu (Njemačka), dostavlja se

Poštovani,

Vanjskotrgovinska/Spoljnotrgovinska komora Bosne i Hercegovine (VTK/STK BiH) organizuje izlaganje bh. kompanija iz oblasti prehrambene industrije na sajmu ANUGA FINE FOOD 2025, koji će se održati u Kelnu (Njemačka), u periodu od 04. - 08.10.2025. godine.

Sajam ANUGA održava se svake druge godine u Kelnu i traje ukupno 5 dana tokom kojih se organizuje i veliki broj foruma, konferencija, sastanaka, prezentacija proizvoda i usluga, kao i promocija najnovijih trendova i inovativnih rješenja u segmentu poljoprivredno – prehrambene industrije i komplementarnih grana privrede.

S tim u vezi VTK/STK BiH je zakupila prostor za izlaganje u hali 11.1 od 72,25 (sa dvije strane otvoren štand), plan hale i skicu prostora dostavljamo u prilogu.

Za izlaganje na zakupljenom prostoru u organizaciji VTK/STK BiH prijavljene su sljedeće kompanije iz Bosne i Hercegovine:

1. **AS HOLDING** (www.asholding.ba)
2. **BIMAL** (www.bimal-group.com)
3. **DELTA TRADE** (www.deltafrost.ba)
4. **JAMI** (www.jami.ba)
5. **KOL-MIX** (<https://kolmix.ba/>)
6. **MLADEGS-PAK** (www.mladegspak.com)
7. **OSMO** (**SITORTILLA**)
8. **YIMOR** (www.yimor.ba)

Molimo da dostavite ponudu za: dizajnersko rješenje, izgradnju štanda, opremanje štanda sa potrebnom opremom, štampanje grafičkih elemenata, montažu, demontažu i transport, te vraćanje prostora u izgled površine zakupljene od organizatora sajma.

Zbog ograničenosti prostora za izlaganje po prijavljenoj kompaniji u okviru kolektivnog štanda bh. izlagača, molimo da dostavite ponude za uređenje štanda koje će uključivati funkcionalne elemente za izlaganje izložbenih eksponata gore navedenih firmi, a shodno njihovim proizvodno/izvoznim asortimanima (voditi računa o teškim izlagačkim elementima). Svaka od kompanija treba imati istaknut naziv firme uz logo znak, osvjetljenje uzoraka, utičnicu za el. energiju, police (prostor) za izlaganje svojih eksponata. Izložbene police i pult trebaju biti pod ključem. S obzirom na veći broj firmi koje će biti predstavljene na štandu, potrebno je koncipirati izložbeni pult i policu kao jedinstvenu cjelinu.

Takođe, na prostoru za izlaganje potrebno je imati zasebne stolove i stolice za potrebe održavanja sastanaka u toku trajanja sajma, kao i ostavu sa vratima i ključevima, frižiderom, kafe aparatom, vješalicama, te korpom za otpad. Potrebno je da štand bude na izdignutom podiju od nivoa poda sajma (podest visine 10 cm), sa pristupnom rampom (prilazom za osobe sa invaliditetom), kao i da se koliko god je moguće primijeni atraktivan i moderan dizajn.



Takođe, potrebno je da natpis Bosna i Hercegovina bude čitko napisan i da naziv svake kompanije na zidu bude jasno istaknut i lako uočljiv, kako bi se osigurala bolja vidljivost i prepoznatljivost.

Izdvojeno, molimo Vas da za potrebe firme YIMOR, dostavite zasebnu ponudu za izložbeni rashladni uređaj za sladolede (temperatura čuvanja od -18 do -21°C). Troškove ove dodatne opreme, u slučaju prihvatanja ponude, bi snosila kompanija YIMOR d.o.o.

Potrebno je dostaviti dvije verzije štanda u ponudi:

- jednu koja uključuje viseći element iznad štanda za promociju koji će na najbolji način istaći i promovisati bh. štand i kompanije, sa istaknutim obilježjima države i bh. prehrambene industrije i
- drugu bez visećeg elementa sa izdignutim pozadinskim zidom (do maksimalne visine dozvoljene od strane organizatora sajma) koji će na najbolji način istaći i promovisati bh. štand i kompanije, sa istaknutim obilježjima države i bh. prehrambene industrije.

Napomena: VTK/STK BiH zadržava pravo izmjene vizuelnog identiteta.

Kompletan izlagački prostor treba osmisлити na način da se promoviše prehrambena industrija Bosne i Hercegovine, te istaknuti obilježja države, nazive i logo znakove organizatora i kompanija. Na štandu bi trebalo postaviti i opremu za prikazivanje promotivnog filma prehrambene industrije BiH i izlagača.

U skladu sa navedenim Vanjskotrgovinska/Spoljnotrgovinska komora Bosne i Hercegovine, poziva Vas, da dostavite ponudu za kolektivni štand sa detaljnim stavkama u ponudi vezano za korištene materijale štanda (čvrsti materijali, ne oktanorm sistem), kao i ostale usluge koje su sastavni dio ponude.

1. SADRŽAJ PONUDE

1. Ponuđač je dužan dostaviti kopiju Rješenja o registraciji kompanije, iz koje se vidi da je kompanija registrirana i za obavljanje djelatnosti pod rednim brojem;
 - a. 82.30 – Ogranizacija sastanaka i poslovnih sajmova, a ona po NKD klasifikaciji uključuje organizaciju, promociju i vođenje događaja kao što su poslovni i trgovački sajmovi, kongresi, konferencije i sastanci, sa ili bez usluga osoblja za provedbu i opremanje (sajamskog) prostor.
2. Idejno rješenje/dizajn/nacrt štanda (3D prikaz cjelokupnog izgleda štanda) iz kojeg se vidi da je štand osmišljen na način da predstavlja cjelokupnu prehrambenu industriju BiH i sve dodatne elemente već navedene gore.
3. Potrebno je da štand bude na izdignutom podiju od nivoa poda sajma, sa pristupnom rampom (prilazom za osobe sa invaliditetom), kao i da se koliko god je moguće primijeni atraktivan i moderan dizajn.
4. Specifikacija materijala koji su korišteni (izgradnja štanda mora biti bazirana na čvrstoj gradnji (iverica ili regips paneli), a ne na oktanorm sistemu)
5. Montažu, demontažu i prijevoz štanda,
6. Dovođenje zakupljenog prostora štanda u prvobitni oblik koji je opremaš preuzeo od organizatora sajma,
7. Specificirati dodatnu opremu koja je uključena u cijenu.

2. PODNOŠENJE I OTVARANJE PONUDA

Ponudu obrađenu u skladu sa ovim pozivom ponuđač je obavezan dostaviti najkasnije do srijede 14.05.2025. godine do 13:00 sati, lično ili putem pošte u kancelariju br. 19, koja se nalazi na I spratu zgrade Vanjskotrgovinske/Spoljnotrgovinske komore BiH, u zatvorenoj zapečaćenoj koverti.

Na prednjoj strani koverta ponuđač je dužan naznačiti „NE OTVARATI – OTVARA KOMISIJA“. Ponudu dostaviti na adresu:

**VANJSKOTRGOVINSKA/SPOLJNOTRGOVINSKA KOMORA
BOSNE I HERCEGOVINE
Branislava Đurđeva 10, 71000 Sarajevo**

Na poleđini koverta ponuđač je dužan naglasiti: predmet ponude, tačan naziv i adresu ponuđača i kontakt broj telefona.

Ponude dostavljene poslije navedenog roka, kao i ponude koje ne budu dostavljene na opisani način, neće biti razmatrane i biće vraćene neotvorene ponuđaču. Vanjskotrgovinska/Spoljnotrgovinska komora Bosne i Hercegovine neće vraćati ponuđaču ponudu koja nije prihvaćena u razmatranju komisije nakon otvaranja ponude. Vaša odgovornost je da osigurate da Vaša ponuda stigne na navedenu adresu do navedenog roka. Nepotpune i zakašnjele ponude se neće uzeti u razmatranje kao ni ponude ponuđača koji ne izmiruje zakonsku obavezu plaćanja članarine VTK/STK BiH.

Važna napomena: Ponuđači koji dostave svoju ponudu do naznačenog roka, dobiće obavijest putem e-maila o terminu i mjestu prezentacije svojih idejnih rješenja pred članovima komisije, oformljene od strane VTKBiH/STKBiH. Trajanje prezentacije idejnih rješenja ponuda pred članovima komisije, potrebno ograničiti na maksimalno dvadeset minuta.

Nakon što VTK/STK BiH odabere ponudu za izgradnju i uređenje štanda na sajmu ANUGA FINE FOOD 2025, obavijestit će sve ponuđače o izboru iste.

3. TROŠKOVI PONUDE

Vanjskotrgovinska/Spoljnotrgovinska komora Bosne i Hercegovine ne snosi nikakve troškove ponuđača u postupku nadmetanja, te zadržava pravo prihvatiti ili odbiti u potpunosti ili djelimično svaku ponudu, poništiti nadmetanje ili odbiti sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima, niti ima obavezu pojasniti razloge takve odluke.

4. VREDNOVANJE PONUDA

Vrednovanje ponuda će se izvršiti u skladu sa Procedurom nabavke proizvoda i usluga

5. OSTALE ODREDBE

O izboru ponuđača učesnici će biti informirani nakon što nadležni organ Vanjskotrgovinske/Spoljnotrgovinske komore Bosne i Hercegovine donese odluku o izboru napovoljnijeg ponuđača.

Prilog:

- Plan hale i skica prostora štanda;
- Popratni materijal – vodič o uslovima za gradnju štanda od strane organizatora sajma.



GENERALNI SEKRETAR
Mirko Bošković